

বরগুনা সদর উপজেলায় ভাল শিখন বিষয়ক অভিজ্ঞতা বিনিময় সফর অনুষ্ঠিত

২৭ ডিসেম্বর ২০২০

প্রতিবেদন:

বরগুনা সদর উপজেলা, বরগুনা, ভাল শিখন বিষয়ক অভিজ্ঞতা বিনিময় সফর অনুষ্ঠিত।

জাতীয় স্থানীয় সরকার ইনস্টিটিউট (এনআইএলজি) ও উপজেলা প্রশাসনের যৌথ আয়োজনে ২৭ ডিসেম্বর ২০২০ রোজ রবিবার বরগুনা সদর উপজেলার ১০নং নলটোনা ইউনিয়ন পরিষদে “পারস্পরিক শিখন” কর্মসূচী প্রাতিষ্ঠানিকীকরণ শীর্ষক প্রকল্পের “ভাল শিখন বিষয়ক অভিজ্ঞতা বিনিময় সফর” অনুষ্ঠিত হয়।

পূর্ব নির্ধারিত সফর সূচি অনুযায়ী উপজেলা পর্যায়ে অনুষ্ঠিত কর্মশালায় সর্বাধিক ভোটে নির্বাচিত প্রথম ভাল কাজটি দেখার জন্য বরগুনা সদর উপজেলার সকল ইউপি সচিব নিজেদের মধ্যে আলাপ-আলোচনা করে যথাসময়ে নিজ নিজ দায়িত্বে ১০নং নলটোনা ইউনিয়ন পরিষদে উপস্থিত হয়েছিলেন। এই সময় ১০নং নলটোনা ইউনিয়ন পরিষদের ভারপ্রাপ্ত চেয়ারম্যান জনাব মোঃ হারুন মিয়া, সচিব মোঃ সামছুল হক সবাইকে অভিনন্দন জানান এবং সাদরে গ্রহণ করেন।

অভিজ্ঞতা বিনিময় সফরের পরিকল্পনা অনুযায়ী প্রথমে আমন্ত্রিত সকল সচিবদের সাথে পরিচয় পর্ব শেষে ১০নং নলটোনা ইউনিয়ন পরিষদের ভারপ্রাপ্ত চেয়ারম্যানের নেতৃত্বে ইউনিয়ন পরিষদের ওয়াশ ডেস্ক পরিদর্শন করা হয়।

পরিদর্শনের সময় ইউনিয়ন পরিষদের সচিব সকল, ওয়াশ ডেস্কের উদ্যোক্তা, মোঃ বাবুল হাওলাদার, সভাপতি, পানি, স্যানিটেশন স্থায়ী কমিটি, নলটোনাসহ সর্বমোট ১১জন উপস্থিত ছিলেন

উক্ত অভিজ্ঞতা বিনিময় সফরের সময় ওয়াশ ডেস্কের উদ্যোক্তা মোঃ বাবুল হাওলাদার ইউনিয়ন পরিষদের ওয়াশ ডেস্ক কক্ষে আগত সকল সচিবদের হাতে ফ্যাক্টসীট তুলে দেন এবং মুখে ওয়াশ ডেস্কের গঠন প্রণালী, উপকারিতা, সেবা প্রদানের ইতিবৃত্তসহ সেবাগুলি জনগণের কাছে কিভাবে পরিচিতি লাভ করেছে তার বর্ণনা দেন।

সচিবগণ ওয়াশ ডেস্কে রক্ষিত রেজিস্টারে সেবা গ্রহণকারীর নাম, মোবাইল নং এবং মাস ভিত্তিক আয়ের উৎস দেখেন এবং সন্তোষ প্রকাশ করেন। এই সময় ওয়াশ ডেস্কের সেবা প্রদান ও প্রাপ্তির নানান বিষয়ে সচিবগণ উদ্যোক্তাকে প্রশ্ন করেন এবং সন্তোষজনক উত্তর পেয়ে খুশী হন।

২য় পর্যায়ে সচিবগণ ইউনিয়ন পরিষদের হল রুমে বসে অভিজ্ঞতা বিনিময় সফরে তাদের অভিজ্ঞতা তুলে ধরে বলেন, পানির কভারেজ বৃদ্ধিসহ নিরাপদ পানি প্রাপ্তিতে এই কার্যক্রমটি সত্যিই প্রসংসার দাবিদার। এই প্রসঙ্গে আয়লাপাটাকাটা ইউনিয়ন পরিষদের সচিব মোঃ মঞ্জুরুল ইসলাম ও বুড়ির চর ইউনিয়ন পরিষদের সচিব মোঃ জালাল উদ্দিনসহ সকল ইউনিয়ন পরিষদের সচিবগণ তাদের ইউনিয়ন পরিষদে উক্ত অভিজ্ঞতা রূপায়ন করার পরিকল্পনার কথা জানান এবং এই কাজ বাস্তবায়ন করতে কারিগরী সহায়তা প্রদানের জন্য এনআইএলজিকে অনুরোধ জানান।

ওয়াটারএইড বাংলাদেশ এর সহযোগিতায় উপজেলায় অনুষ্ঠিত কর্মশালায় যে ৫টি ভাল শিখন ভোটের মাধ্যমে নির্বাচিত করা হয়েছিল তার মধ্যে ১০০% নিরাপদ পানি নিশ্চিত ওয়াশ ডেস্ক সর্বাধিক ভোটে ১নম্বর নির্বাচিত হয়।

অভিজ্ঞতা বিনিময়ের সফরের কয়েকটি চিত্রঃ



Briefing session on WASH Desk at Noltona Union under Barguna Sadar



The UP secretaries exchange their opinion in this session.